

A T K - T H E M E L I M I
PER KRIJIMIN E SHOQERISE ME PERGJEGJESI TE KUFIZUAR
" J O N A "

Sot, më datën, 15 Prill 1996 (nëntëdhjetegjashtë), unë, ortaku i vetëm, PETRIT MAHO, i biri i Gëzimit dhe i Ganimetit, i datëlin-djes 1967, lindur në Shkodër dhe banues në Tiranë, Rruga e "Kava-jës", P. 141, Sh.1, Ap. 8, shtetas shqiptar, v e n d o s a t ë krijoj SHOQERINE private në përputhje me legjislacionin në fuqi në Republikën e Shqipërisë e, veçanërisht të Ligjit Nr.7638, datë, 19.11.1992 "Për Shoqëritë Tregëtare" në Republikën e Shqipërisë, sipas kushteve që v i j o j n ë :

Neni 1

1.1 Shoqërinë " J O N A " - SH.P.K. e krijoj sipas llojit - Shoqëri me përgjegjësi të kufizuar.

Neni 2.

2.1 Shoqëria " J O N A " do të funksionojë për një periudhë kohe prej dhjet vjetësh, me të drejtë përsëritje edhe në të ardhmen.

Neni 3.

3.1 Emërtimi dhe qendra (selia)
Emërtimi i Shoqërisë është: Shoqëria " J O N A " - Shoqëri me Përgjegjësi të Kufizuar ose shkurt: "Shoqëria << J O N A >> - Sh.P.K." që, në mjaft raste, në dokumen-tet e krijimit të saj do të shkruhet shkurt: "Shoqëria".

3.2 Qendra (selia) e Shoqërisë është: Rruga "Shyqyri Bërxo-lli", Nr.1, Tiranë, Republika e Shqipërisë.

Tel: _____

Fax: _____

Neni 4.

4.1 OBJEKTI I VEPRIMTARISE
Shoqëria me Përgjegjësi të Kufizuar " J O N A " ka për objekt ushtrimin e veprimtarisë së lirë private në fushën e:

- Import - eksportit dhe tregëtimit me shumicë dhe me



pakicë të mallrave të ndryshme industriale, bujqësore, blegtorale, ushqimore, mjeksore dhe farmaceutike; ushqim social; konfeksione, artikuj tekstili, shkollorë, sportive, peshkimi, etj.; sahatë, bizhuteri, prodhime prej metallesh të çmuara; kinkaleri dhe materiale kançelerie; orëndi, mobile dhe pajisje elektroshtëpijake; aparate elektrike, elektronike dhe elektro-teknike; makineri, aparatura dhe automjete të ndryshme tokësore, ujore dhe ajrore; materiale të ndryshme ndërtimi, instalimi dhe për ngrohje; materiale hidrosanitare; kimikate, xham, porcelan, qeramikë, materiale plastike, bojra llak; organizimin dhe kryerjen e shërbimit mjeksor, farmaceutik dhe kozmetik; të shërbimit të disinfektimit dhe të higjenizimit, si dhe shitblerje medikamentesh dhe pajisje të ndryshme mjeksore, farmaceutike dhe artikuj kozmetikë; shërbime dhe riparime të objekteve prej metali, drusore, muri etj.; agjensi turistike, komisionerie dhe ndërmjetësimi; organizim dhe kryerje të shërbimit të transportit tokësor, ajror dhe ujor për mallra dhe pasagjerë, si dhe të serviseve për automjete, makineri dhe aparatura të të gjitha llojeve; etj. brenda dhe jashtë territorit të Republikës së Shqipërisë.

4.2 Shoqëria krijohet me qëllim që, unë ortakut i vetëm i saj të merren me ushtrimin e veprimtarisë së lirë private dhe të përfitoj prej saj si në territorin e Republikës së Shqipërisë, ashtu edhe jashtë saj, sipas objektit të veprimtarisë së Shoqërisë, që pasqyrohet në Nenin 4 të këtij Akti.

4.3 Shoqëria mund të marrë pjesë në aksione, me kuota në shoqëri, filiale e përfaqësi të tjera që kanë të njëjtin objekt ose objekt të ngjashëm me të.

4.4 Shoqëria mund të krijojë filiale, qendra shërbimi e prodhimi, degë, zyra përfaqësimi, agjensi, dyqane, magazina, etj. edhe në qytete të tjera të Republikës së Shqipërisë, në



përputhje me legjislacionin shqiptar në fuqi.
Shoqëria mund të bëjë investime për ndërtimin e objekteve të ndryshme që i shërbejnë kryerjes së veprimtarisë së saj ekonomiko - tregëtare dhe financiare.

Neni 5.

Regjimi juridik.

- 5.1 Në të gjithë veprimtarinë e saj në territorin e Republikës së Shqipërisë, Shoqëria udhëhiqet nga legjilacioni shqiptar në fuqi.
- 5.2 Të drejtat dhe detyrimet e Shoqërisë dhe të ortakut të saj përcaktohen më hollësisht në Statutin që i bashkëngjitet këtij Akti.0
- 5.3 Shoqëria gëzon mbrojtje dhe sigurim të plotë në përputhje me legjislacionin shqiptar në fuqi.
- 5.4 Për evidentimin e veprimtarisë së Shoqërisë do të përdoren dispozitat ligjore në fuqi dhe kërkesat e përgjithshme të kontabilitetit, siç sqarohet më hollësisht në dispozitat përkatëse të Statutit të Shoqërisë.
- 5.5 Shoqëria gëzon afirmim ligjor që nga dita e regjistrimit të saj në Gjykatën e rrethit të Tiranës.

Neni 6.

Kapitali i Shoqërisë.

- 6.1 Kapitali bazë i Shoqërisë është:
- a) Në para: - 100.000 (njëqindmijë) lekë, i depozituar në Bankën Kombëtare të Kursimeve, Dega e Tiranës.
- b) Për kapitalin në natyrë:
- Shoqëria do të investojë shumën e nevojshme të parave për blerjen brenda dhe jashtë vendit të të gjitha makinerive, aparaturave, pajisjeve dhe mjeteve të domsdoshme për kryerjen e veprimtarisë së saj ekonomiko - financiare tregëtare, mjeksore dhe farmaceutike të përcaktuara në Nenin 4 të këtij Akti dhe në Nenin 4 të Statutit për krijimin e Shoqërisë.
- 6.2 Kapitali i Shoqërisë do të rritet krahas ecurisë së

Plato

saj ekonomiko - financiare dhe tregëtare, si dhe të vendimeve që do të marr, unë, ortaku i vetëm i saj për ta rritur atë në të ardhmen.

- 6.3 Në rast vdekjeje të ortakut, pasuria e Shoqërisë i kalon trashëgimtarëve ligjorë të tij sipas legjislacionit në fuqi në Republikën e Shqipërisë.

Neni 7.

Drejtimi i Shoqërisë.

- 7.1 Fillimisht, Shoqëria do të udhëhiqet, administrohet dhe drejtohet nga unë, ortaku i vetëm dhe krijuesi i saj, PETRIT MAHO, që do të kryej edhe detyrën e a d m i - s t r a t o r i t dhe të p e r f a q ë s u e s i t të Shoqërisë në marrëdhëniet me të tretët.

- 7.2 Krahas ecurisë së veprimtarisë së Shoqërisë, unë, krijuesi i saj, do të mendoj dhe do të vendos edhe për zgjerimin e organeve të ndryshme të drejtimit dhe të administrimit të Shoqërisë.

- 7.3 Për çdo çështje profesionale, si: për çështje juridike, ekonomike, teknike etj. Shoqëria do të angazhojë (emërojë) sipas rastit, juristë, ekonomistë, financierë, teknikë, inxhinjerë, mjekë, farmacistë etj. në mënyrë të vijueshme ose të përkohëshme, duke punësuar specialistë sipas legjislacionit në fuqi.

Neni 8.


Sigurimi i Shoqërisë.

- 8.1 Pasuria e Shoqërisë do të sigurohet në Institutin e Sigurimeve të Republikës së Shqipërisë, si dhe në institute të tjera shtetërore dhe private ekzistuese dhe ato që mund të krijohen në të ardhmen sipas legjislacionit në fuqi.

- 8.2 Masa e pasurisë që do sigurohet, si dhe koha e sigurimit të saj do të vendoset nga unë, ortaku i vetëm dhe administratori i saj.

Neni 9.

Afati i veprimtarisë së Shoqërisë.



Afati i veprimtarise së Shoqërisë do të jetë dhjetë vjet me tre drejtë përsëritje edhe në të ardhmen.

Neni 10.

Likuidimi i Shoqërisë.

10.1

Rastet e likuidimit të Shoqërisë do të jenë ato që pasqyrohen në legjislacionin në fuqi në Republikën e Shqipërisë.

Neni 11.

Dispozita të përgjithshme.

11.1

Ky Akt për themelimin e Shoqërisë ka si pjesë përbërëse të tij edhe Statutin e Shoqërisë, i cili i bashkëngjitet dhe depozitohet në organet përkatëse sipas dispozitave ligjore në fuqi.

11.2

Në rastet e likuidimit përfundimtar të Shoqërisë sipas legjislacionit në fuqi, pushon së vepruari edhe ky Akt Themelimi.

11.3

Adresa ligjore e Shoqërisë është: - Rruga "Shyqyri Bërxo-lli", Nr.1, Tiranë, Republika e Shqipërisë.

Tel. _ _ _ _

Fax: _ _ _ _

11.3

Çdo ndryshim apo shtesë që mund t'i bëhet këtij Akti për themelimin e Shoqërisë, do të bëhet me shkrim, do të nënshkruhet nga unë ortaku i vetëm i saj dhe do të depozitohet si në dokumentet e Shoqërisë që mbahen në qendrën (selinë) e saj, ashtu edhe në Gjykatën e rrethit të Tiranës.

11.4

Ky A k t - T h e m e l i m i i Shoqërisë u përpilua në pesë kopje të barabarta nga unë, ortaku i vetëm dhe krijuesi i saj, PETRIT MAHO dhe nënshkruhet në Zyrën e Noterise, Tiranë, ku do të depozitohet kopja e parë, sot, më datën, 15 Prill 1996 (Nëntëdhjetegjashtë).

ORTAKU I VETEM DHE ADMINISTRATORI I
I SHOQERISE ME BERGJEGJESI TE KUFIZUAR " J O N A "

/ PETRIT MAHO /

Petrit Maho

Maho

REPUBLIKA E SHQIPERISE

DHOMA E NOTEREVE

T I R A N E

Nr. 1730 Rep.

Nr. 658 Kol.

V E R T E T I M

Sot më datën, 15 Prill 1996 (Nëntëdhjetegjashtë), ditën e Hend
 ..., para meje, Fatime Bajram Meta, Notere me zyrë në rrugën e "Durrë-
 sit", Pallati - 58, Shkalla - 3, Kati IV, u paraqit personalisht Zoti
 PETRIT MAHO, i njohur personalisht prej meje, madhor dhe me zotësi të
 plotë juridike dhe për të vepruar, i cili më deklaroi se Aktin e mësi-
 përm të Themelimit të Shoqërisë "J O N A" - SH.P.K. e ka redaktuar me
 vullnetin e tij të lirë dhe të plotë dhe e nënshkroi në praninë time,
 ndërsa unë, Noterja, e vërtetoj atë rregullisht sipas ligjit.

N O T E R E :

/ FATIME META /

[Handwritten signature]




S T A T U T I
I SHOQËRISË ME PËRGJEGJËSI TE KUFIZUAR
" J O N A "



Sot, më datën, 15 Prill 1996 (nëntëdhjetegjashtë), unë, ortaku i v e t ë m , PETRIT MAHO, i biri i Gëzimit dhe i Ganimetit, i datëlindjes 1967, lindur në Shkodër dhe banues në Tiranë, Rruga e "Kavajës", Pallati - 141, Shkalla - 1, Apartamenti - 8, Republika e Shqipërisë, shtetas s h q i p t a r , duke u mbështetur në dispozitat e Ligjit Nr.7512, datë, 10.08.1991 "Për sanksionimin e pronës private, të nismës së lirë..."; të Ligjit Nr.7632, datë, 04.11.1992 "Për dispozitat që rregullojnë pjesën e Parë të Kodit Tregëtar"; të Ligjit Nr.7638, datë, 19.11.1992 "Për Shoqëritë Tregëtare" në Republikën e Shqipërisë, si dhe në mundësitë e mia aktuale, v e n d o s a të miratoj këtë S t a t u t për krijimin e Shoqërisë private " J O N A " - SH.P.K. me dispozitat si më poshtë:

K R E U I.

Neni 1.

- 1.1 Shoqërinë private " J O N A " e krijoj sipas llojit: Shoqëri me Përgjegjësi të Kufizuar, duke e emërtuar: Shoqëria " J O N A " - SH.P.K. ose edhe më shkurt: "Shoqëria" (siç do të shkruhet në dispozitat e këtij Statuti).

Neni 2.

Kohëzgjatja.

- 2.1 Shoqëria " J O N A " do të funksionojë për një periudhë kohe prej dhjetë vjetësh, me të drejtë përsëritje edhe në të ardhmen.

Neni 3.

Emërtimi dhe qendra (selia)

- 3.1 Emërtimi i Shoqërisë është: Shoqëria " J O N A " - SH.P.K.
- 3.2 Qendra (selia) e Shoqërisë është: - Rruga "Shygyri Bërzo-lli", Nr.1, Tiranë, Republika e Shqipërisë.

Tel: _____ Fax: _____

Neni 4.

OBJEKTI I VEPRIMTARISE

4.1

Shoqëria me Përgjegjësi të Kufizuar " J O N A " ka për objekt ushtrimin e veprimtarisë së lirë private në fushën e:

- Import - eksportit dhe tregëtimit me shumicë dhe me pakicë të mallrave të ndryshme industriale, bujqësore, blegtorale, ushqimore, mjeksore dhe farmaceutike; ushqim social; konfeksione, artikuj tekstili, shkollorë, sportivë, peshkimi, etj.; sahatë, bizhuteri, prodhime prej metalesh të çmuara; kinkaleri dhe materiale kançelerie; orendi, mobile dhe pajisje elektroshtëpijake; aparate elektrike, elektronike dhe elektro-teknike; makineri, aparatura dhe automjete të ndryshme tokësore, ujore dhe ajrore; materiale të ndryshme ndërtimi, instalimi dhe përngrohje; materiale hidrosanitare; kimikate, xham, porcelan, qeramikë, materiale plastike, bojra llak; organizimin dhe kryerjen e shërbimit mjeksor, farmaceutik dhe kozmetik; të shërbimit të disinfektimit dhe të higjienizimit, si dhe shitblerje medikamentesh dhe pajisje të ndryshme mjeksore, farmaceutike dhe artikuj kozmetikë; shërbime dhe riparime të objekteve prej metali, drusore, muri etj; agjensi turistike, komisionerie dhe ndërmjetësimi; organizim dhe kryerje të shërbimit të transportit tokësor, ajror dhe ujor për mallra dhe pasagjerë, si dhe të serviseve për automjete, makineri dhe aparatura të të gjitha llojeve; etj. brenda dhe jashtë territorit të Republikës së Shqipërisë.

4.2

Shoqëria krijohet me qëllim që, unë ortakut i saj të marrin me ushtrimin e veprimtarisë së lirë private dhe të përfitojnë prej saj si në territorin e Republikës së Shqipërisë, ashtu edhe jashtë saj, sipas objektit të veprimtarisë së Shoqërisë, që pasqyrohet në Nenin 4 të Aktit të Themelimit dhe Nenit 4 të Statutit të Shoqërisë.





Shoqëria mund të marrë pjesë në aksione, me kuota në shoqëri, filiale e përfaqësi të tjera që kanë të njëjtin objekt ose objekt të ngjashëm me të.

Shoqëria mund të krijojë filiale, qendra shërbimi e prodhimi, degë, zyra përfaqësimi, agjensi, dyqane, magazina, etj. edhe në qytete të tjera të Republikës së Shqipërisë, në përputhje me legjislacionin shqiptar në fuqi.

4.5 Shoqëria mund të bëjë investime për ndërtimin e objekteve të ndryshme që i shërbejnë kryerjes së veprimtarisë së saj ekonomiko - tregëtare dhe financiare.

Neni 5.

Regjimi juridik.

5.1 Në të gjithë veprimtarinë e saj në territorin e Republikës së Shqipërisë, Shoqëria udhëhiqet nga legjilacioni shqiptar në fuqi, dhe, veçanërisht nga dispozitat e Ligjit Nr.7638, datë, 19.11.1992 "Për Shoqëritë Tregëtare". Për çdo çështje që nuk trajtohet në këtë legjislacion dhe realizohet në territorin e Republikës e Shqipërisë, zbatohen praktikat tregëtare, si dhe praktikat lokale ose të veçanta, të cilat marrin përparësi ndaj praktikave të përgjithshme. Në mungesë të tyre zbatohen dispozitat e Kodit Civil të Republikës së Shqipërisë.

5.2 Me vendimin tim, Ortakut të vetëm, regjimi juridik i Shoqërisë mund të ndryshojë në qoftë se në të ardhmen krijohen premisa më të favorshme për funksionimin e saj sipas legjislacionin shqiptar. Në këtë rast, unë, ortaku i vetëm dhe administratori i Shoqërisë, do ta përshtasë si Aktin e Themelimit, ashtu edhe Statutin e krijimit të Shoqërisë, si dhe do të bëj depozitimet përkatëse si në Gjykatën e rrethit të Tiranës, ashtu edhe në dokumentet që mbahen në qendrën (selinë) e saj.

5.3 Shoqëria gëzon mbrojtje dhe sigurim të plotë në përputhje me dispozitat ligjore në fuqi.

5.4 Shoqëria mund të marrë përsipër detyrime, si dhe të padisë

dhe të paditet përpara organeve kompetente gjyqësore, si në Gjykatën e rrethit të Tiranës, ashtu edhe në Gjykatën e rrethit të vendeve të tjera ku do ta ushtrojë veprimtarinë e saj private.

5.5 Në marrëdhëniet juridike me persona të tretë, Shoqëria del në emër dhe llogari të vetë.

5.6 Përfaqësues i Shoqërisë në marrëdhëniet me të tretët jam jam unë, ortaku i vetëm dhe administratori i saj: PETRIT MAHO.

5.7 Shoqëria ka vulën e saj me përmbajtje: "Shoqëria "JONA" - SH.P.K. Eksport - Import, Tirana, A L B A N I A".

Neni 6.

Kapitali i Shoqërisë.

6.1 Kapitali bazë i Shoqërisë është:

a) Në para: - 100.000 (njëqindmijë) lekë, i depozituar në Bankën Kombëtare të Kursimeve, Dega e Tiranës.

b) Për kapitalin në natyrë:

6.2 - Shoqëria do të investojë shumën e nevojshme të parave për blerjen brenda dhe jashtë vendit të të gjitha makinave, aparatave, instrumenteve dhe mjeteve të domosdoshme për kryerjen e veprimtarisë së saj ekonomiko - financiare dhe tregëtare, të percaktuar në Nenin 4 të Aktit të themelimit dhe në Nenin 4 të këtij Statuti për krijimin e Shoqërisë.

6.2 Kapitali i Shoqërisë do të rritet krahas ecurisë së saj ekonomiko - financiare dhe tregëtare, si dhe të vendimeve që do të marr unë, ortaku i vetëm dhe administratori i saj për ta rritur atë më tej në të ardhmen.

6.3 Në rast vdekjeje të mua, ortakut të vetëm, pasuria e Shoqërisë u kalon trashëgimtarëve të mi ligjorë, sipas legjislacionit në fuqi të Republikës së Shqipërisë.

K R E U II.

Neni 7.

Të drejtat dhe detyrat e Shoqërisë.

Shoqëria ka të drejtë të lidhë kontrata e marëveshje si në territorin e Republikës së Shqipërisë, ashtu dhe jashtë saj.

Shoqëria gëzon të drejtën që të krijojë në vijimësi pasuri (vlera) materiale dhe intelektuale (mendore).

7.2

7.3

Shoqëria gëzon të drejtën të bëjë importime dhe eksportime sipas nevojave që i paraqiten për realizimin e qëllimit të saj, duke mos patur asnjë pengesë. Gjithashtu, Shoqëria, ka të drejtën e importimit pa asnjë obligim e tatim të mjeteve materiale për materizalizimin e qëllimeve investuese, sipas dispozitave ligjore në fuqi në Republikën e Shqipërisë.

7.4

Unë, Administratori dhe ortakut i vetëm i Shoqërisë gëzojnë të drejtën e caktimit të çmimeve të artikujve dhe shërbimeve që disponoj për tregun e brendshëm dhe të jashtëm, sipas dispozitave ligjore dhe rregullave në fuqi të vendeve ku realizohen.

7.5

Shoqëria gëzon të drejtën e krijimit të filialeve, degëve, zyrave të përfaqësimit, qendrave të grumbullimit apo përpunimit të produkteve të ndryshme, të shërbimeve, dyqaneve, magazinave etj. si në territorin e Republikës së Shqipërisë, ashtu edhe jashtë saj.

7.6

Shoqëria ka të drejtë të marrë pjesë si ortak në shoqëri të përbashkëta ekzistuese dhe ato që mund të krijohen në të ardhmen si në territorine e Republikës së Shqipërisë, ashtu edhe jashtë saj, në përputhje me legjislacionin në fuqi në territorin përkatës ku do të ushtrohet veprimtaria e përbashkët.

7.7

Shoqëria ka të drejtën e administrimit ekskluziv të pasurisë së saj, në bazë të legjislacionit në fuqi në Republikën e Shqipërisë. Ajo ka të drejtën e vënies në Ipotekë të elementëve të saj pasurorë, në bazë të legjislacionit në fuqi dhe në përputhje me dispozitat e këtij Statuti.

7.8

Unë, ortakut i vetëm mbaj përgjegjësi deri në nivelin e



kontributit në kapitalin bazë (themeltar).
Filialet, degët, përfaqësitë, agjensitë etj. që mund të krijohen nga ana e Shoqërisë përgjigjen për detyrimet e tyre, por edhe Shoqëria ka përgjegjësinë e vet për to.

K R E U III.

Drejtimi dhe udhëheqja e Shoqërisë.

Neni 8.

- 8.1 Fillimisht. Shoqëria do të udhëhiqet, administrohet dhe drejtohet nga unë, Administratori dhe ortakët e saj.
- 8.2 Kompetencat kryesore të O r t a k t a s :
- bëj ndryshime në Aktin e Themelimit dhe në Statutin e krijimit të Shoqërisë.
 - bëj ndryshime në objektin e veprimtarisë të Shoqërisë.
 - miratoj rezultatet vjetore të Shoqërisë.
 - vendos për krijimin ose mbylljen e filialeve, degëve, përfaqësive, agjensive simotra etj. brenda dhe jashtë vendit.
 - shkrij, riorganizoj ose mbyll Shoqërinë.
 - miratoj projekte për zgjerimin dhe materializimin e veprimtarisë së Shoqërisë.
 - miratoj raportin vjetor të veprimtarisë së kryer nga administrata e Shoqërisë.
 - vendos për çmimet dhe tregjet e shitjes të artikujve të ndryshëm brenda dhe jashtë vendit.
 - emëroj dhe shkarkoj personelin e Shoqërisë, i zëvendësoj ata dhe u përcaktoj shpërblimin që do t'u jepet, në përputhje me legjislacionin në fuqi.
 - emëroj administratorin e përgjithshëm të Shoqërisë.

K R E U IV.

Dispozita ekonomike.

Neni 9.

Veprimtaria ekonomike.

- 9.1 Veprimtaria ekonomiko - financiare dhe tregëtare e Shoqë-

Polio

risë realizohet dhe garantohet në bazë të legjislacionit në fuqi në Republikën e Shqipërisë.

Për detyrimet e veta në qarkullimin tregëtar dhe juridik me persona të tretë, Shoqëria përgjigjet me pasurinë e vet.

- 9.3 Aktivi dhe pasivi i veprimtarisë së Shoqërisë pasqyrohet në planet ekonomiko - financiare dhe tregëtare të saj, të shprehura në para shqiptare ose të konvertuara në valutë të huaj.
- 9.4 Pasuritë e Shoqërisë vlerësohen nëpërmjet bilanceve ekonomiko - financiare të saj, në përputhje me dispozitat ligjore në fuqi.
- 9.5 Të ardhurat e Shoqërisë, pasi të zbriten shpenzimet e amortizimit të pasurisë së palujtshme dhe të lujtshme, si dhe shpenzimet e tjera që bëhen në interes të Shoqërisë, më takojnë mua, ortakut të vetëm të saj sipas dispozitave të përcaktuara në Aktin e Themelimit dhe Statutin e krijimit të saj, apo të vendimeve që mund të marr unë në të mirën e zhvillimit dhe të zgjerimit të veprimtarisë së Shoqërisë.
- 9.6 Për detyrimet Shoqëria përgjigjet me fondet e veta.
- 9.7 Shoqëria është disponuese dhe përdoruese e pasurisë së vetë. Në përputhje me qëllimin dhe objektin e veprimtarisë së saj, Shoqëria mund të blejë dhe të shfrytëzojë edhe aksione të personave të tretë.
- 9.8 Objektet dhe mjetet e përdorimit Shoqëria i siguron pranë Institutit të Sigurimeve të Republikës së Shqipërisë ose kudo gjetkë, në kohën dhe masën që do ta shoh të arësyeshme unë, ortaku i vetëm i saj.

Neni 10.

Llogaria e Shoqërisë.

- 10.1 Shoqëria, llogarinë rrjedhëse të saj e ka në Bankën Kombëtare të Kursimeve, Dega e Tiranës. Ajo mund të çelë edhe llogari të tjera rrjedhëse në lekë apo valutë të



huaj në banka shtetërore apo private brenda vendit dhe jashtë tij, siç do ta shoh të arësyeshme unë, ortakut i vetëm i saj.

10.2. Shoqëria i mban llogaritë në lekë shqiptare ose në valutë të huaj sipas rastit që i paraqitet për veprime në vlera të ndryshme monetare.

10.3. Të gjitha shpenzimet e Shoqërisë në lekë apo në valutë të huaj, sigurohen nga arkëtimet e tregëtimit të mallrave të ndryshme dhe shërbimeve që pasqyrohen në objektin e veprimtarisë së Shoqërisë ose nga mënyra të tjera që lejon legjislacioni shqiptar në fuqi.

Neni 11.

Viti ekonomik.

11.1. Viti ekonomik fillon më 1 Janar dhe mbaron më 31 Janar të çdo viti kalendarik, kurse për vitin 1996, qysh nga fillimi i veprimtarisë së Shoqërisë dhe përfundon më 31 Dhjetor 1996.

Neni 12.

Dhënia e llogarisë ekonomike.

12.1. Shoqëria funksionon në bazë të dispozitave ligjore ekonomike në fuqi në Republikën e Shqipërisë, të dispozitave të Aktit të Themelimit dhe Statutit të krijimit të saj, si dhe të prograneve të veçanta që dotë hartoj unë, ortakut i vetëm i saj për çdo vit ekonomik.

12.2. Llogaria ekonomike e Shoqërisë mbështetet në llogaritë e tregëtimit dhe shërbimeve të saj, si dhe të vetëfinancimeve që mbulon shpenzimet e veta, duke përfshirë edhe ato në valutë.

12.3. Për nxitjen ekonomike të veprimtarisë së Shoqërisë do të krijohen fonde rezervë dhe fonde të tjera të veçanta në përputhje me mundësitë që krijohen dhe dispozitat ligjore në fuqi.

12.4. Mbajta e kontabilitetit të Shoqërisë do të bëhet sipas rregullave, metodave dhe teknikave kontabël, veprimeve

që kryen ajo, si dhe të ngjarjeve që i ndodhin gjatë ushtrimit të veprimtarisë së saj ekonômiko-financiare dhe tregëtare.

12.5

Kontabiliteti mbahet në gjuhën shqipe dhe në lekë shqiptare sipas rregullave dhe ligjeve në fuqi, si dhe në valutë të huaj për çka do ta shoh të arësyeshme unë, ortaku i vetëm i saj.

12.6

Për mbajtjen e kontabilitetit do të përdoret "Libri ditari", "Libri i Madh", "Libri inventar" dhe çdo libër tjetër i detyrueshëm që parashikohet nga Kodi tregëtar dhe dispozitat e tjera ligjore në fuqi, të cilat mbahen dhe administrohen nga unë, administratori i saj dhe punonjësit e tjerë që do të punësoj në administratë.

12.7

Në qoftë se do ta shikoj të arësyeshme unë, administratori i saj, Shoqëria do të përdorë edhe libra të tjerë për regjistrimin e veprimeve, ngjarjeve dhe gjendjeve që paraqiten dhe nevojiten, përveç librave të detyrueshëm.

12.8

Forma e organizimit të kontabilitetit do të zgjidhet nga unë, administratori i Shoqërisë, duke patur parasysh që ajo të sigurojë:

- regjistrim të hollësishëm dhe kronologjik të të gjitha veprimeve dhe ngjarjeve që trajtohen në kontabilitet;
- ruajtjen e të dhënave dhe disponimin e tyre në çdo kohë
- përgatitjen e dokumenteve përmbledhëse të parashikuara ose të kërkuara;
- kontrollin e saktësisë së të dhënave të trajtuara;

12.9

Çdo formë organizimi të kontabilitetit që do të përdoret, do të jetë e tillë që të mundësojë kryerjen e kontrollit të jashtëm në mënyrë të tillë që, çdo ekspert apo person tjetër që ligjërisht i takon të njihet, të nxjerrë nga librat kontabël, brenda një kohe të arësyeshme, një pamje të përgjithshme të veprimeve të kryera dhe veprimtarisë së Shoqërisë.

12.10

Kontrolli i përgjithshëm dhe statistikor bëhet mbi bazën e

dispozitive ligjore që veprojnë në Republikën e Shqipërisë dhe ato që do të përcaktoj vetë unë, administratori e saj. Kontrolli i librave kontabël bëhet çdo vit nga ekspertët kontabël, të cilët emerohen nga unë, administratori i saj, në përputhje me Nenin 65 të Ligjit Nr.7638, datë; 19.11.1992 "Për Shoqëritë Tregtare".

Neni 13.

Raporti vjetor.

13.1

Raporti vjetor i llogarisë së Shoqërisë do të paraqitet në formën dhe përmbajtjen e caktuar në Nenin 211 të Ligjit 7638, datë 19.11.1992 "Për Shoqëritë Tregtare".

Neni 14.

Kreditë e Shoqërisë.

14.1

Shoqëria ka të drejtë të marrë kredi në lekë dhe në valutë të huaj si në Bankën Kombëtare Shqiptare, ashtu edhe në banka të tjera që ndodhen në Republikën e Shqipërisë, në përputhje me legjislacionin në fuqi, të rregullave të përcaktuara nga bankat, si dhe të dispozitave të këtij Statuti.

K R E U V.

Rastet e ndërprerjes së veprimtarisë së Shoqërisë.

Neni 15.

15.1

Unë, administratori dhe ortakët i vetëm i Shoqërisë kam të drejtën e ndërprerjes së marrëdhënieve që rrjedhin nga Akti i Themelimit dhe Statuti i Shoqërisë, kur për këtë vërtetohen arsye serioze siç mund të jenë:

- Kur vërtetohen kushtet e forcës madhore që përshkruhen në legjislacionin në fuqi.

- Shkrirja e Shoqërisë bëhet në rastet që përmenden në këtë nen si dhe në rastet që vijojnë:

- Varfërimi i Shoqërisë;

- Dalja e një vendimi nga organet kompetente që e nënshkruan veprimtarinë e Shoqërisë, në qoftë se një funksionim i tillë vjen në kundërshtim me ligjin edhe gjatë kohës që vepron vendimi.



- Marrja e vendimit përkatës nga unë, ortaku i vetëm i saj.

Neni 16.

Procedura e Likujdimit.

- 16.1 Pas ndërprerjes së funksionimit të saj, Shoqëria likujdohet. Për këtë, unë, ortaku i vetëm i saj caktoj, sipas rastit: likujdatorin ose Komisionin e Likujdimit. Nga çasti i caktimit të likujdatorit ose Komisionit të Likujdimit të gjitha kompetencat e Shoqërisë i kalojnë likujdatorit ose Komisionit të likujdimit, të cilët veprojnë sipas dispozitave ligjore në fuqi në Republikën e Shqipërisë.
- 16.2 Komisioni i Likujdimit përbëhet nga tre anëtarë, prej të cilëve njëri caktohet në rolin e përgjegjësit.
- 16.3 Anëtarët e Komisionit të Likujdimit veprimtarinë e tyre e kryejnë vetëm bashkërisht dhe në asnjë mënyrë veçmas. Shpenzimet për të gjitha detyrimet e Shoqërisë, i përballon vetë Shoqëria.

K R E U VI.

Dispozita të përgjithshme.

Neni 17.


Ndryshime të favorshme në legjislacionin e Republikës së Shqipërisë.

- 17.1 Në qoftë se në Republikën e Shqipërisë shpallen ligje, dekrete ose vendoset një politikë më e favorshme nga legjislacioni i pasqyruar në Aktin dhe në Statutin e krijimit të Shqipërisë, atëhere unë, administratori dhe ortaku i vetëm i saj kam të drejtën (në qoftë se është e domosdoshme) t'i drejtohen organeve përkatëse shtetërore dhe administrative që të zbatojnë legjislacionin më të favorshëm për mua.

Neni 18.

Zgjidhja e mosmarrëveshjeve.

- 18.1 Mosmarrëveshjet që mund të lindin midis personave të ndryshëm dhe Shoqërisë do të zgjidhen kryesisht mbi bazën e bisedimeve dashamirëse e me mirkuptim me njëri-tjetrin. Në qoftë se kjo nuk mund të arrihet, atëhere pala e inte-



resuar mund t'i drejtohet organeve kompetente të juridik-
sionit të vendit (krahinës) ku kanë lindur mosmarrëvesh-
jet, si dhe organeve të tjera ligjore me kompetenca më të
larta për mbrojtjen me ligj të të drejtave të veta.

Neni 19.

Dispozita te veçanta.

19.1


Të gjitha dokumentet e Shoqërisë (kontratat, akt-marrë-
veshjet, faturat etj), do të përmbajnë adresën e plotë të
saj, numrim e regjistrimit në regjistrin tregëtar të
Gjykatës të rrethit të Tiranës, si gjykata regjistruese e
Shoqërisë, si dhe numrin e regjistrimit të organit ta-
timor të njësisë administrative ku do ta ushtrojë vep-
rimtarinë e saj.

19.2

Për çështje të tilla që nuk parashikohen në këtë Statut,
veprimtaria e Shoqërisë do të bazohet në legjislacionin
përkatës në fuqi në Republikën e Shqipërisë.

Neni 20.

Hyrja në fuqi.




Ky Statut, i përpiluar nga unë, ortaku i vetëm i saj në
pesë kopje të barabarta hyn në fuqi qysh në momentin e
nënshkrimit nga ime në Zyrën e Noterisë, Tiranë, ku do
të depozitohet kopja e parë e tij.

20.2

Krahas përsosjes së mëtejshme të legjislacionit tregë-
tar, si dhe të ecurisë të veprimtarisë të Shoqërisë, unë,
ortaku i vetëm i saj kam të drejtën e përmirësimit të
mëtejshëm edhe të dispozitave të këtij Statuti dhe të
të gjitha dokumenteve të Shoqërisë.

20.3



Statuti i mësipërm u nënshkrua, në Tiranë, sot, më
datën, 15 Prill 1996 (Nëntëdhjetegjashtë).

ORTAKU I VETEM DHE ADMINISTRATOPRI I
SHOQËRISE ME PËRGJEGJESI TE KUFIZUAR

" J O N A "

/ PETRIT MAHO /

Petrit Maho
Maho